

moldova - nytt

Medlemsavis for
Hjelp Moldova

Nr 1 2012 Årgang 12

Glimt frå Moldova i året som gjekk...

Foto: Åse Hundvin/
Hjelp Moldova

Sterkt, men skjørt

I løpet av vel 10 år har Hans Bjørn Bakkeiteig bygget opp eit landsdekkande kompetanse-senter og nettverk av synsspesialistar i Europas fattigaste land, Moldova.

Systematisk har han lært opp legar, helsepersonell og byråkratar i moderne diagnostikk og rehabilitering av synshemma, og gitt dei hjelpeidlar.

Steg for steg har han bygt nettverk slik at dei som før ikkje varde kollegaen om hjelp, no samarbeider til beste for dei som slit med synet.

Systematisk, steg for steg, har han vist at det med relativt små midlar er mogeleg å inkludera dei som før var utesengde frå utdanning og arbeid.

Mange tusen enkeltpersonar, unge og gamle, har fått nytt liv og nytt håp takk vere Hans Bjørn sin innsats.

Det er sterkt!

Ikkje minst sett i lys av at ein framleis møter legar og byråkratar i Moldova som ikkje levnar synshemma særleg store muligheter i dette Europas fattigaste land.

Synd at Hans Bjørn sitt livsverk er avhengig av milde gaver. Desto større takk til dei som gav og gjev. Kåre Ness

Bli fast gjever

Vi treng fleire som er villige til fast trekk på ein sum, t.d. kr 100, i månaden. Midlane går til å lønna dei tilsette på Synssenteret. Kontakt kasserar Astrid på telefon 99163456.

www.hjelp-moldova.no



Kviletid på Barneheim nr 74.



Ser lyst på livet med brille og lupe.



Kul kar med nye filterbriller.

Gladmelding 1: Grieg Foundation gjev 300.000

Dei siste åra er det takk vere midlar frå Grieg Foundation at Hjelp Moldova har kunna driva og utvikla det viktige arbeidet med og for synshemma i Moldova. Nye 300.000 kroner gjer at arbeidet kan halda fram også i 2012. På vegner av mange tusen synshemma seier Hjelp Moldova mange tusen takk for nye midlar og fornøya tillit!

Gladmelding 2: Os vgs mot 100.000 solidaritetskroner

Elevar og lærarar ved Os vidaregåande skule har gjennom eit eineståande engasjement og innsatsvilje engasjert seg for Hjelp Moldova sitt arbeid. Til no i inneverande skuleår har elevane utført solidaritetsarbeid for 80.000 kroner. Målet deira er å slå den gamle innsamlingsrekorden på 94.000.

Innkalling til Årsmøte 2012

Tid: 29.februar. kl. 18.00

Stad: Avisa Strilen sine lokale i Knarvik

Etter årsmøtet vert det lett servering, Elevar fra Os vgs fortel om turen til Moldova og solidaritetsarbeidet ved skulen.

Sakliste:

- 1: Årsmelding 2011
- 2: Rekneskap 2011--
- 3: Handlingsplan 2012
- 4: Val
- 5: Medlemskontingent

Vi minner om § 10 i vedtekten: "Stemmeberettige er kun fremmøtte medlemmer med gyldig betalt medlemskontingent for inneværende år".

**Vanleg kontingent er kr 150, og familiekontingent er kr 200.
Hugs namn på giroen, også når du nyttar nettbank.**

Årsmelding 2011

Medlemmer

Talet på medlemmer er det same som tidlegare, omlag 130 i alt. Medlemmene er viktige i organisasjonen og støttar arbeidet på ymse vis.

Styret

Det har vore halde sju styremøte i perioden. Samarbeidet i styret er svært bra, og mykje godt arbeid er gjennomført.

Økonomi

Vi har ikkje mottatt offentleg støtte dette året, men vi er svært takksame

for alle midlar som vi har fått mange, ulike gjeverar. Vi er heilt avhengige av desse gåvene: Støtta frå Grieg Foundation på kr 400.000 var fundamentet for aktivitetane i 2011. Utan desse midlane hadde innsatsen vore monaleg mindre. I tillegg har ordninga med faste gjeverar vore viktig. Midlane herfrå, om lag kr 7.000 pr månad, har gått 100 prosent til synssenteret. Byrknes Auto er også ein god støttespelar. Mange av dei tilsette har fast trekk i løna. Summen går til Hjelp Moldova.

Mor og son Stefirta fekk hjelp frå julegåveprosjektet.



Sjukehusbussen treng også pleie.



Start på tilbygget ved nr 74.



Moldova har stor produksjon av tobakksblad. Hans Bjørn har slutta å røykja, men tillet seg å lukta.



Viktigaste frukta i Moldova er vindruene. Ta turen og smak!

Byrknes Auto har dessutan subsideert transporten med kr 50.000; midlar dei tidlegare brukte til julegåver.

Våren 2011 fekk vi ein fantastisk ny samarbeidspartner: Os vgs. Skulen arrangerer årleg ein solidaritetaksjon. I 2011 fekk vi inntektene, pluss midlane frå året før, i alt kr 170.000! Vi set umåteleg stor pris på engasjementet! På turen i september deltok elevar og lærarar frå Os vgs. Vi har fått nær kr 70.000 frå medlemmer og andre som ser verdien av arbeidet vårt. Det er sendt søknadar om støtte til ulike samarbeidspartnarar. Kirkens Nødhjelp gav oss kr 20.000 i transportstøtte for 2011.

Turar/trailarar

Vi gjennomførte fire turar i 2011; to med trailar. Transporten sto Nils Fr. Nilsen/Byrknes Auto for. Vi har levert mykje flott utstyr: Synshjelpeidlar slik som briller, luper, lampar og leseTV, operasjonsutstyr, optisk utstyr, møblar, sjukehusklede, sjukehussenger m.m. To nye sjukehus har fått operasjonsutstyr for grå stær. Elles er varene fordelt på ulike sjukehus, aldersheimar, og barnehagar i tillegg til synssenteret.

Aktivitetar 2011

Synsprosjektet

Takk vera gode samarbeidspartnarar har vi også i 2011 kunna halda høgt aktivitetsnivå. Vel 800 synshemma i alle aldrar er undersøkte ved synssenteret. Dei fleste har fått hjelp i form av briller, og/eller andre synshjelpeidlar. Våren 2011 kjøpte vi ein bil som dagleg leiar ved senteret, Dr. Tatiana Ghidirimschi, disponerer. Ved hjelp av bilen kan ho og kollegene hennar driva oppsökande verksemder over heile landet. Det er viktig, for mange synshemma har verken råd eller høve til å reisa til

Styret si samansetjing:

Leiar:	Hans B. Bakketeig - på val
Nestleiar:	Åse Hundvin
Skrivar:	Kåre Ness - på val
Kasserar:	Astrid Daa Kristiansen
Styremedl:	Skjoldvor Haukås - på val
Varamedl:	Jarle Ålandsvik - på val Nils Fredrik Nilsen
Valkomite:	Bjørn Borgen, Jon O. Vevle Johan Dagestad

hovudstaden for å søkja hjelp. Vi har tilsett a augespesialistar og ein sjukpleiar ved senteret. Aktiviteten er så stor at noverande kontor knapt strekk til. Vi arbeider for å få nye lokale.

I mars var augespesialist Jan Askvik på sin årlege tur til Moldova. Han underviste og opererte ved sjukehus i fleire byar; mellom anna ved sjukehuset i Ungeni for første gong.

Vi har god kontakt med politisk leiing i helseministeriet og ministeriet for familie, arbeid og sosiale saker, og hadde møte med begge i 2011.

Barneheim nr 74

I Barneheim nr 74 følger vi opp bygging av eit tilbygg finansiert av midlar frå Spelhaugen Dagsenter og gåver kanalisert gjennom Hjelp Moldova.

"Mor og barn-sjukehuset"

Opp-pussinga av bad og toalett held fram. Sanitærforholda er stadig betre.

Familien Raiu

som fekk nytt hus i 2009, har fått kontinuerleg oppfølging. Gåve frå ein av medlemmene våre vart nytta til matinngjøp og betaling av gassrekning.

Julegåvebrev

Irmelin Bjerring Hansen tok også i år initiativet til julegåvebrev. Det kom inn ca kr 20.000 i form av julegåvebrev og gåver. Stor takk til Irmelin for flott initiativ!

Societate Filantropica Help

ved leiar Galina Gradinari tek hand om våre interesser i Moldova. Galina saman med leiar for Synssenteret, Tatiana Ghidirimschi, gjer ein uvurderleg innsats for oss.

Vi takkar alle våre medlemmer og gode støttespelarar. *Styret*

Takk for gåver!

Hjelp Moldova har motteke gåver frå privatpersonar i samband med ulike arrangement eller feiringar der dei har bede om pengar øyremerka Moldova i staden for å motta presangar. Mange takk for gåvane!

Ressurspersonar i hjelpearbeidet



I fjor sommar var familien Ghidirimshi på norgesbesøk for første gong. Tatiana er leiar for Synssenteret. Mannen hennar, Alexander, er også lege. Dei hadde stor nytte av å vitja hjelpeidelsentralen i Hordaland og Haukeland sjukehus der dei fekk førstehands kjennskap til korleis synshemma får hjelp og oppfølging her til lands. Sonen Nico går på ungdomsskule der han får topp karakterar i alle fag. Nico er alt ein ivrig norgesvenn som seier han vil jobba i Statoil når han vert vaksen og er ferdig med utdanninga si.

(Tekst og foto: Kåre Ness)

Handlingsplan 2012

Synsprosjektet er hovudaktiviteten også i år. Vi vil framleis engasjera oss på Barneheim nr 74 og ved "Mor og barn sjukehuset" i Chisinau, samt at vi vil oppretthalda kontakten ved dei andre samarbeidspartnarane våre.

Synsprosjektet

Synssenteret vart opna for tre år sia. Etterspurnaden etter tenestene er stor. Senteret er ein hjelpeidelsentral for synshemma i heile Moldova. Hovudaktiviteten er utgreiing og behandling. Behandlinga vert utført på kontoret i hovudstaden Chisinau og ved oppsøkande verksemder. Det er kontinuerleg trond for å supplera med hjelpeidlar som briller, luper, lampar og leseTV.

Augespesialist Jan Askvik ved Bergen Øyelegesenter har dei siste åra brukt ei veke av si fridtid til opplæring og kompetanseutvikling for moldovske augleigar. Han reiser til Moldova i mars for å vidareføra arbeidet. Jan Askvik introduserte moderne augekirurgi i Moldova (operasjon av grå stær) som siste landet i Europa for seks år sia.

Barneheim nr 74

er modernisert over ein ti-års periode med midlar frå Spelhaugen Dagsenter. I fjor starta arbeidet med eit påbygg som skal innehalda musikkrom og gymnastikksal. Påbygget er ikkje fullfinansiert, men me vonar å skaffa midlar til tak i 2012. Vi har kr 32.000, men manglar kr 20.000.

"Mor og barn sjukehuset" ("Statoil sjukehuset")

Mange av sanitærromma ved sjukehuset er moderniserte over ein ti-års periode. Harry Ertresvåg, tidlegare forpleiningsjef i Statoil, har vore drivkrafta i arbeidet i samarbeid med Hjelp Moldova. Harry er framleis engasjert med å fornya det som står att.

Økonomi

Vi har ingen faste inntekter ut over det vi får frå faste gjevarar. Difor er vi avhengige av gåver for å oppretthalda aktiviteten. Grieg Foundation og Os vgs er for tida våre viktigaste støttespelarar. Vi arbeider med å få Synssenteret inn på det moldovske statsbudsjettet. Den uklare politiske situasjonen og svake økonomen i landet gjer dette utfordrande.

Styret